

松江府志

卷九  
卷十  
山川志

松江府志卷九

山川志 水

松江兩涯諸水

松江南岸港浦縱橫皆由澱湖以達江顧會以西去湖尚近故水清而深顧會

以東分流絕少渾潮易於倒灌故崧子盤龍亦皆淤塞民田易旱水勢使然也舊志略於南尤漏於北序次而

補綴之觀水者可以知其本矣

內勳浦

俗訛南興長三千九百四十九丈

在府西八十里

嘉禾志

其上流曰

古塘

顧志

自太平橋北流左逕和尚浜右徑新漚

南通張涇

過

內勳村又北左徑許泗涇

西通古塘

金浜

西至庾斯港入崑山界又西通大石

右徑唐光涇

東通凌涇北通會仙浦

過凌公橋又北過報誠橋

為小吳涇

自庾斯巷東北流東折入浦一浜有吳涇邨土人即呼其地為吳涇

屈曲西北

松江府志

卷九

山川志

一

水

流會仙浦水自東來會合流達於松江

自會仙合流處至江口土人呼

為會仙浦

會仙浦

長四百二十丈

即內勳之分支王可交遇仙處也

顧志案

雲間志不載會仙浦而書王可交遇仙處于趙屯橋鎮有會仙道院古木四五株皆百年物也土人謂道院自

會仙浦移此而無碑記可證存之俟考餘詳古蹟仙釋

趙屯浦

長三十里

在府西八十里

嘉禾志

舊直受澱山湖水瀉

于松江闊五十丈通江五大浦之一也今北受吳松分

流南至青浦城通漕門外與漕港會又南東與橫泖大

盈會入柘澤塘其接漕港處又名新河

今青浦崑山分界處

其一

支東南流入漕港者曰南小趙屯

一名李墟涇

一支東北流

入江者曰北小屯浦其右支為橫涇西通古塘東白米涇東

米涇屬青浦西至界橋入崑山大童浜西通六下牆灣

顧家角一名顧家港沈蓮涇西通古塘西洋涇西通白灤涇皆

西受湖水貫于浦其左支為官田涇東通南古方涇東

蘇溝一名胥溝西北通小趙屯東通大盈浦南通吳涇金家橋港東通大

崑青交望湖涇東通大盈諸支分洩浦水而蘇溝為支中之

幹大趙屯四十九保一區長二百六十五丈二區二百四

十保一區二千三百丈五區六百五十四丈小趙屯

浦四十九保一區長三百二十丈二區二百二十五丈三

區二百八十二丈四區二百二十五丈古盆浦一名古盤長二

松江府志

卷九

山川志

二

水

趙屯浦茅涇越李巷港又北達松江

直浦長六百九十丈在府西北七十五里嘉禾志承韓涇一名淖涇水

東北流徑潭涇達于松江

盧浦長九百九十五丈在直浦東承蘇溝水東北流為南盧浦

絕唐港為北盧浦合李巷港達于松江

南解浦長二千四百五十五丈在府西北六十八里嘉禾志承大盈浦

水東北流絕盛涇又東北右徑朱家浜彭仙涇左徑南

陳涇北陳涇達松江

涼月浦避聖父諱長一千五百十六丈在府西北八十里嘉禾志承大

盈水徑大盈寺東北流右徑西霞浦赤屯浦左合長春

港水北流過長春橋又北岐爲二一支東南流合蔣浦  
一支北流過涼月廟達松江

白鶴江古稱白鶴匯自此至蟠龍環曲爲匯不知其幾

水行迂滯溢而爲災宋嘉祐閒自其北開爲直江徑瀉

震澤之水東注於海自此吳中得免水患今江蓋故匯

遺跡雖以江名僅同溝澮而已今水涸時已不通舟楫其南爲西

霞浦杜祁公家于其上俱東入大盈與青龍江斜對顧志今自屯

家橋西北北屬嘉定南屬青浦合赤鄧涇涼月蔣浦諸水達于松

江續青龍志云江上舊有四德堂賑濟亭普賢觀今廢

大盈浦 在府西北七十里嘉禾志舊亦直受湖水自白鶴

松江府志

卷九

山川志

三

水

匯以達于江闊三十丈顧志今北受吳松分流南至白鶴

鎮青龍橋鄧家橋間北屬嘉定南屬青浦入府境又南歷杜村孔

宅太平倉至青浦縣充賦門貫城達躍龍門與趙屯曹

港橫泖之水會南出爲柘澤其右支爲白鶴江淤淺爲西

霞浦橫港諸藤涇北徐浜落蘇浜蘇溝烏珠浦直浦南

澥浦陽羨涇朱里涇陳涇通新河金涇周涇孔涇卽孔宅涇西通

趙屯順河涇南里涇西通廟涇童家涇東通朱赤鯉涇西通趙屯安

柯浜滄瀆浜望湖涇張家浜倪家浜西通趙屯朱家浜西通莊橋

澧諸港皆引趙屯水散注于浦其左支爲青龍江洋涇

楊家浜縣家浜姚家浜沈涇東通管浦管浦野雞橋潘家浜

通縣 橫涇烏鵲連涇 一名鵲涇 徐家港 通新 汪家港邨家

浜龐涇張號浜李舍涇石家浜 通管 元壇涇宋家浜楊

家橋港陳家橋港界涇沙瀝浜 一名沙地浜 諸港皆分

浦水東達顧會而青龍管浦為支中之幹 四十六保三區長二百五

十丈四區二千一百丈四十七保一區五百七十丈二區四百九十丈五十保二區八百九十丈四區六百四

十八丈五區七百六十六丈六區六百四十八丈

青龍江 長四千七百三十六丈 在府西北七十里 方輿紀要 圖經云昔

孫權造青龍戰艦於此故名在唐宋時其上為巨鎮 案續

青龍志云青龍鎮一名龍江又改通惠宋政和後復舊名陳林隆平寺經藏記云青龍鎮下瞰松江上據滬瀆

之口島夷閩粵交廣之塗所自出風檣浪 其上游西接

松江府志

卷九

山川志

四

水

大盈浦東通顧會下流合浦家江 案青龍江至起龍橋

龍橋達大盈浦一支由起龍橋北合浦家江達松江俗稱小青龍江為青浦嘉定分界處江北又有北浦家江

全屬 浦家之西為趙浦 顧志原案云趙浦在青龍江嘉定

取直分屬於南之 自宋以前灝瀚無比韓世忠拒兀朮

驗也蔣浦亦然 於秀州以前軍駐青龍中軍駐江灣後軍駐海口即此

地也其上置市舶司設鎮學海舶百貨交集梵宇亭臺

極其壯麗龍舟水嬉冠於江南論者比之杭州元以後

江口漸塞鎮亦遂廢明嘉靖時曾建青浦縣于故址之

西今猶稱舊青浦云

宋梅堯臣青龍江上觀潮詩百川倒壺水欲立不入卻迴如鼻吸老魚無力隨上下閣向滄州空怨泣

摧鱗伐肉走千艘骨節專車大無及幾年養此膏血  
軀一且翻為漁者給無情之水誰可憑將作尋常自  
輕入何時更看弄潮  
兒頭戴火盆來就濕  
元王逢還龍江寓隱詩家寄青龍白鶴江徘徊落  
日影成雙竇筵久謝元王醴親隴猶依季子邦春老  
鳳梧瞻省掖秋遺蟹稻接漁缸君  
侯過譽慙何敢姑許雞談近宋窗  
明陸深泛青龍江詩落日遙牽錦纜齊青龍江水  
過通西采藍鬪藥多城市颺網投竿盡繞隄一曲吳  
歌猶欸乃千年禹蹟半淒迷勝遊  
回首驚秋鬢怕向紗籠覓舊題

顧會浦 在府西北七十里 嘉禾志 慶厯開顧會浦記直縣

西北走七十里趨青龍鎮浦曰顧會南通漕渠北達松  
江今日通波塘浦自斡山之陽地形中阜松江潮至半  
道輒回斡山之旁沙塗壅積故自慶厯辛巳紹興乙丑

松江府志 卷九 山川志 五 水

乾道乙酉一再開通未幾輒淤滯紹興乙丑因濬塘又  
於北門築兩挾隄依舊基為牐以時啓閉復於浦之東  
關治行道石梁四十八以通東鄉之停浸 雲間志 今青浦

以下北達松江青龍以上南流過北斡山絕橫泖直抵  
郡城北門內中亭橋 自永安橋至中亭橋已淤 分達于浦其右支為

合浦 西浦通 朱流涇 浦通合 蔣涇港小南涇朱仙浦杭家涇

王泰涇 末通秋涇 朱墩浜計家浜吳桂涇 東通毛涇西通艾祁 絕盛涇

而南為王大港 河通望涇 絕王家涇而南為湖涇 西通青墩港 艾

家浜印涇馬家浜姚村浜 西通千步涇 寺浜 西北通楊樹濃 西安涇

通山 絕橫泖而南為陸家浜冷水灣 通六涇 絕柘溪而南

為黃蠻涇西通莊施家浜西通迢遙涇通施過塘橋絕

蔡成涇而南為南北蔣涇七里涇西通十一張家浜西通

白鶴廟毛家浜朱家浜二里涇西通邱涇一里涇西通夜

諸港北則分引大盈浦南則分引柘澤沈涇神仙塘水

皆注于浦其支左為黃浜廟涇石家涇東通新泗達涇

東通樊涇東南通新江塘郭巷港普家港東通馬洞邱

涇涯涇廟涇煙河涇俱東通張墅涇東通絕吳貴涇而

南為徐涇東通艾絕盛涇而南為牛腸涇通馬家浜鄒

涇煙墩涇俱東通絕王家涇而南為謝夫子港南通小

小凌涇東通謝密涇東通新涇東北通盧家絕橫柳而

松江府志 卷九 山川志 六 水

南為九千涇馬家港絕柘溪而南為河澄涇東通孫涇

東通崧塘過塘而南為祥澤蔣家浜東通薛傍涇丁家

浜通泗草涇東通扁水涇牛橋浜朱家浜焦墩浜聖堂

浜俱東通絕蔡成涇而南為兩耳朶港温草浜大塔浜

閩家浜東通浦家浜菱蕩浜五里塘王家橋港即三里

和尚浜東通楊諸港悉分浦水南注黃浦北達松江惟

橫柳左右支渠東匯蒲匯顧會而東水分力微故崧子

蟠龍非五大浦之舊矣顧會浦四十四保一區長五百

三十四丈三區六百四十八丈通波塘三十八保二

區長二千三百五十八丈三區一千六百七十三丈四

區一千三百一十二丈六區七十八區一百七十四保一

三十九保一區一千七十四保一

區一千一百丈二區八百丈四十五保  
三區二千五百丈四區二千五百丈

艾祁浦三千七百二十丈在府東北六十五里嘉禾志青龍鎮蟠

龍塘之間郭志承顧會浦水北流為南艾祁過唐灣為北

艾祁左徑盛涇徐涇吳貴涇煙河涇洞邱涇塗涇右徑

郭巷港新江塘余家港北達松江

朱墅浦長一千五百九丈承漕浦塘水北流合李浜青龍諸水

達松江

金社浦長五百三十四丈西承何家港水北達松江

淮浦一名懷浦長一千九百三十丈自殷家橋北流至黃渡三尖嘴達

松江乾隆二十八年開濬吳松棄黃渡舊江一曲于千秋橋取直別開越河六百餘丈將淮浦及華潮赤

松江府志

卷九

山川志

七

水

雁二浦中分為二今在三尖嘴者已塞南岸者亦淤淺

華潮浦一名漕浦塘長二千十二丈承嚴儻浦水北會赤雁艾祁至

千秋橋西越松江入萬福橋北流出黃渡鎮舊江

赤眼浦一名赤雁長一千四百丈承張浦水北流徑顧家浜東折而

北至千秋橋東越松江又北至許家村歧為二一支北

至黃渡鎮市梢達舊江一支自許家村前東折達舊江

為青浦嘉定分界處

西舊江在赤眼浦東自周涇東南行徑道堂村又東南

越嚴儻浦崧子浦止蟠龍塘今涇南屬青浦北屬嘉定

周涇在西舊江東承嚴儻浦水北達松江



嚴儻浦一名儻浦 俗名鹽倉浦承崧子水東流絕西舊江入嘉定

界至紀王廟市梢北折達于松江

崧子浦舊名崧塘自顧會浦分流下注舊江口顧志舊圖崧子浦

在縣東北五十里又崧子塘在縣北十五里分而為二者蓋北十五里崧子浦之口東北五十里者下注于舊

江口也慶歷開顧會浦記以為崧塘蓋此浦與顧會同

流而異派皆瀉水于松江雲間志其左支為凌涇瞿涇宋

涇小墳涇陶家浜孫家浜花橋港蓮池港張家浜陳巷

港西分元武諸塘之水入浦其右支為孫涇夏家浜河

成涇甄窯涇王昌涇黃光漕墓浜張涇寺涇路家浜金

松江府志

卷九

山川志

八

水

家浜馮家浜澹浦范家浜吳昌涇分流東注于蟠龍塘

三十三保一區長三百二十丈二區一百八十八丈三十

四保三區一千五百七十三丈四區七百九十二丈三

十八保四區八百六十

八丈六區五百七十丈

盤龍浦一作蟠龍名 蟠龍塘又在府東四十五里嘉禾志達于舊江以

其委蛇曲折如龍之盤得名續吳郡圖經有盤龍匯者

介於華亭崑山之間步其徑纔十許里而洄穴迂緩逾

四十里江流為之阻遏盛夏大雨則泛濫淪稼穡壞屋

廬殆無寧歲自乾興以來屢經疏決未得其要范文正

公守平江嘗經度之未遑興作寶元元年太史葉清臣

按漕本路遂建議釀為新渠道直流速其患遂弭雲間志

其上曰盤龍塘自府城東三里華陽橋北流絕俞塘過六磊塘過泗涇絕橫塘又過蒲匯塘遵朱坊橋以入松江長八十里其入江處曰盤龍匯顧志今盤龍之水東達蒲匯者十之六南趨泖涇者十之三四而已其右支爲波涇陳涇姚浜甌窰涇漕涇俱西通崧塘俱西通湛涇通張昌涇通河西通邢涇橫涇北寺涇南寺涇陸施涇俱西通徐涇西通倪蕩俱西通張廣涇柘員涇庵港任涇潘家浜俱西通宋家港高家涇李浜葉浜仇涇泗涇郭家浜楊樹浜官涇張師浜廟涇長安涇俱通東長涇故路浜北長浜苑涇謝河諸港皆引崧塘通波之水互相貫注其左支爲直涇何家

松江府志

卷九

山川志

九

水

浜童浜大涑浦小涑浦南通蒲匯東洋涇夏波涇曹村涇何涇竿墓涇俱東通新村河陸磊塘東通胡盛家浜東通夏家港徐家浜淇家浜陶家浜珠涇王家港俱東通草涇東通夏家港徐家浜淇家浜陶家浜珠涇王家港俱東通涇三十四保一區長二千五百丈二區一千二百九十三丈三區五百丈三十五保三區八百二十丈三十六保四區八百七十四丈六區一千六十七丈七區九百二十丈三十七保二區一百九十一丈三區三百五十七丈

新港南自曹家宅西流至申家宅北達松江

魚浦承五漕北流至屈家橋與雙涇合流達松江

華漕長一千二十丈承蒲匯塘水自七寶北流爲吳家巷又北

逕三淩金家浜又北至華漕鎮北達松江

木牖港 一名虞浦 自許浦分流東北至南虞浦與雙涇合流

達松江

許浦 長一千二百丈 承華漕水北流至湯家巷又北歷福基寺

後達松江

郭巷浦 一名郭浦 在府東北六十五里 嘉禾志 承盤龍水東北

流徑夏惟涇出小涑浦一支北流為西郭浦 長一千二百丈

支東流為東郭浦 長一千丈 北折至夏家橋徑莊家涇絕張

鎮浦達松江

雙涇 俗呼雙涇子 自屈家橋西流至郭家宅出許浦

新涇 舊名新涇浦長四千四百十丈 在府東北八十里 嘉禾志 承蒲匯塘

松江府志

卷九

山川志

十

水

水北流至南新涇汛又北過中新涇橋又北至北新涇

鎮達松江其右支為陶涇師家浜陸道浜五漕金家浜

上江涇 俱西通橫瀝 唐子涇橫涇其左支為石橋浜周家浜

菖蒲涇野雙涇 南通蒲匯 彭家浜 東通野雙涇 橫青涇交紋涇魚

水窪 西通周涇 劉家浜 西通蘆浦 蕭師浜 案水利集云吳松涇塞時太湖之水迂迴宛轉

多由上海新涇反注于海吳執中水利論云注江達海

僅有上海之新涇太湖之劉家港據此知當時新涇北

起吳松南抵海口為郡境瀕海塘浦之大者今雖有南

北中之別而長止數里且多湮塞較昔迥異明洪武六

年設新涇巡檢萬曆十年移治舊青浦

東上澳 長三千八百八十丈 西上澳 長二千二百丈 在府東北八十里 嘉禾

志 竝承烏泥涇分支北流越春申塘張家塘漕河涇又

北絕蒲匯合流而北為北上澳長二千九百二十丈越李崇涇達

松江

西蘆浦長四百二十丈大蘆浦長七百八十五丈嘉禾志今名蘆

子浦竝北入松江中有沸井古於此置渡後飛梁南北

人呼為江橋今廢顧志案今靜安寺有湧泉俗呼沸

浜即此詳見古蹟又案今西蘆浦起肇家浜北行至靜安寺又北達松江大蘆浦亦起肇家浜北至長溝又北

達于松江

李崇涇一名法華港長一千五十丈西起新涇東逕法華鎮北折達

松江

淩涇一名鈎浦長一千三百丈南起蒲匯越肇家浜逕周涇康家

松江府志

卷九

山川志

十一

水

橋西北達松江

諸家浜南起李崇涇北達松江

寺浜南起周家浜北達松江

三涇南起新涇越六漕北達松江

烏臼浦徐公浦北長浜皆起湧泉港北達松江自內勳浦至此

皆吳松江南岸港浦

北浦家港長一千五十丈西承顧浦分流南達松江案浦家港為嘉崑青

三縣交界處顧浦全屬崑境故不備載

裏浦起張家角屈曲南流達松江

孟浦西承顧浦分流南折達松江

王家浜 北一名 北自長浜分流過曹家宅南

支河港 南一名 起郭家巷東南流達松江

曹家浜 長一千五百二丈 西承干涇水東通顧家浜南達松江

北周涇西承黃麻浦水南折達松江 案曹家浜周涇為嘉青交界處

北舊江承茜涇顧江涇諸水屈曲南流達松江東北流

左徑沙洪新涇港淩浦 俱南 右徑三沙洪桃樹浦 通走馬塘

又東北厯柵橋徑岡浦申紀港 南通 又東北過真如鎮

北左徑大場浦 通走馬塘 下槎浦 通交 彭月浦 通勝 右徑奚

浦陶林浦 俱通松江 又東北左徑蘆涇 通泗塘 沙涇 通袁長河 右徑

穿洪下海浦楊樹浦引翔港 舊名尹祥浜 又東北達黃浦入

松江府志

卷九

山川志

十二

水

浦處名西虬江 案舊江綿亙吳松北岸長五六十里為嘉寶上青四縣交界處

西沙洪 長一千六百二十丈 承虬江水南流過彭家橋與中沙洪

會又南至金家橋達松江

中沙洪 長三百一十丈 西受西沙洪水南流徑黃家巷達松江

東沙洪 長一千丈 承虬江水南流厯福田寺前又南至大興

橋達松江

桃樹浦承走馬塘水南流越虬江又南達松江

申紀港東南承橫瀝水過江橋鎮出三祝橋南達松江

范家小港 俗名東浜 自虬江分流厯上槎浦斜越申紀港南

達松江

王明浜北承虬江分流達松江

牧瀆港承虬江分流西通新涇北通江柵橋西南徑界

浜達松江

奚家浜承許六巷水西南流徑杜宅港至磨刀橋達松

江

陶浦一名陶林浦長一千一百丈即陶溪北自界河分流達松江

下海浦自尹祥港分流達松江

楊名港一名楊樹浦承虬江水逕太平寺尹祥港達松江

穿洪長一千四百五十五丈北承虬江分流至分水廟南流達松江

尹祥浜一名引翔港南承楊名港水西流合穿洪北折由虬

松江府志

卷九

山川志

十三

水

江達黃浦

南踰以東有虬江有青浦有戴家浜張家浜內勳以西

有石浦道褐浦金竈浦蕭墅浦陸虞浦千墩浦佳浦漳

潭浦同邱浦諸天浦張浦帆歸浦大直港少里浦東齊

浦刹力浦吳浦界浦六直浦對江北岸有江灣浦坊浜

唐莊浦東彭越浦西彭越浦趙浦大場浦桃樹浦下槎

浦中槎浦上槎浦石橋浜新華浦封家浜李墅浦上棧

浦何浦陸皎浦東黃渡浦裘涇西黃渡浦桑浦顧浦安

亭港徐公浦北瓦浦大瓦浦小瓦浦蔣浦三林浦金城

浦顧幕浦木瓜浦下駕浦天明浦新洋浦馬仁浦小虞

浦大虞浦良里浦新瀆浦下里浦黃瀆浦及墅浦界浦  
曹涇六市涇管廉浦張浦戴墟浦陸涇廟涇箭浦青邱  
浦索路港安樂港諸浦竝屬蘇州界然江之脈絡南北  
通聯有志治水者不可不知也故併列之顧志案此條備載他邑  
沿江兩岸浦港俾論水者得以察其脈絡而貫通之其于農田水利頗具苦心然于境內江岸浦港尚多闕略今更序次而補綴之

府城諸水日月拱夾玉帶環流靈氣之所鍾也自黃浦通江衆流趨附源頭活水惟通波一線而潮汐之來東西南三門竝入宜其清不敵渾半成平陸存其古蹟以待興修

舊西湖 在府城西南隅一水縈紆自太平橋西行環中所演武場今呼小教場而匯於其北渟浸可百餘畝其上有

松江府志

卷九

山川志

十四

水

黃冠居曰西湖道院在玉皇閣左案舊志西湖在府西南二

里周圍三里為晉陸氏養魚池方輿勝覽云陸瑁池故

一名瑁湖東有灘曰唵鶴鶴飲此水其聲則清宋為放

生池其北渚有風月堂湖光亭中洲有環碧亭思吳堂

泳波亭元知府張之翰即泳波故址立西湖書院縣丞

魏雲翼復為亭於唵鶴灘仍榜曰環碧當是時為郡城

第一勝處其後開江造插東流勢緩潮沙日湮不半載

遂為平陸通舟楫者僅一小溝及張士誠築郡城遺跡

遂廢在外者疏為城濠惟超果寺後有陂澤縈繞南出

石梁跨之曰湖橋今橋旁有痘神廟俗呼湖橋閣其北有谷水道院者

猶髣髴焉在內者所存惟此昔之勝概無復可尋矣志顧

前志云西湖卽谷水祥符圖經云谷水在縣南長一百

五十步中有五色泉相傳葛稚川煉丹湖上丹成投水

中後常湧泉作五色續志云湖有漩渦甚急小舟經者

或沈焉沒而出者錫所濡甘如飴謂其下甚深寒若冰

雪陳志題  
詠詳古蹟

小湖 前志云在西北一灣今谷陽門內德風橋南有

陂澤抱費千戶宅廢今西南匯於城下疑小湖遺跡也東

南行人合掌橋曰田家灣顧志今猶存水一匱俗呼一粒

珠冬夏不竭相傳下有泉眼

松江府志

卷九

山川志

十五

水

日月河 相傳在普照寺南雲間占讖云日月河通出狀

元而城中諸水湮塞者大半明成化乙巳丙午間知府

常山樊侯瑩議疏通之而莫適所指侯奮曰我徧城中

水鑿之將必有合遂鑿之未幾錢福果狀元及第今鶴

城書院西有月河橋東有水從市河南行遂西轉而北

出橋下彎環如半月普照寺東有水從市河南行折而

東過周文襄祠至清河橋北行復合市河一水自文襄

祠後歷開禧橋橫互之其形於文如曰字通志亦云普

照寺前臨日月河或者其信然與顧志錢福狀元及第後

河復淤占萬曆庚子郡守棠邑許侯維新濬之辛丑張



以誠亦狀元及第陳志今開禧橋下一河東通琴橋河西

通丁行橋河橋之南北皆屬民房惟橋尚存形跡四合如日字為日河河雖

已湮尚有形跡可稽一自月河橋南入西轉而北出小橋在佛寺南

達於前幹河彎環如半月為月河已為平陸華亭志案前志云明

成化乙巳丙午間知府樊侯瑩議疏通之而莫適所指的是當時已無可攷故志所記載頗有疑辭况并此亦成

陳迹近年科第絕少有由然歟

倉河 在普照寺後案普照續古錄云寺址北至居士橋

荒涼草莽俗呼草路裏十國春秋載吳越武肅王遣司

空張瑗鎮華亭寺僧待以蔬食張嘆之密啟武肅於寺

後鑿河三去其二今軍儲北倉在其陽故名西南通豐

松江府志 卷九 山川志 十六 水

樂橋東絕通波塘與邱家灣水合

通波塘今中亭橋起至蕭王廟已湮餘詳顧會浦

邱家灣 循府後牆東南行出東亭橋與米市橋莊老橋

二水合流出東門顧志

玉帶河 橫貫府學中當尊經閣後魁星樓南如腰帶然

故名其源自仙鶴觀西北行轉而東與集仙門水合顧志

牛市涇 在玉帶河北西通徐家橋東至龍門寺東城下

舊自此出牛市橋南流與官紹塘合其後橋為城基中

絕為二在城外者別名朱家浜拱秀橋跨其上今惟寺後有一

泓疑是顧志

施家澆 舊志云延慶寺基本施家澆又曰施家匯乃澆之

澆之遺跡也 龍淵 在府南龍門寺東積水洪澄大旱不竭 顧志案

東有潭半畝許水甚清澈嘉慶甲戌大旱水減而不涸

舊志所云信然淵東定僧石尚存淵西一渠不絕如線

謂龍淵已成平陸今之河僅有遺跡而郭志

案城河自北水關南流為通波塘過居士橋而南右徑

小浜口 西止雲峯寺後 又南過通津橋左徑艾家橋 東止隆 右

逕奚家橋河 西止瑞鹿橋 又南過妙明橋左徑大吳橋河 自

東流過永樂橋徑府署後又東徑婁署前過福安 右徑

吳家匯 西流過邱家灣南折出東亭橋達東幹河 又南徑蕭王廟

松江府志 卷九 山川志 十七 水

橋南出中亭橋達西幹河起西水關東行左逕豐樂

橋前 詳 右徑德風橋河 自幹河分流南過德風橋合掌

東流徑華婁學宮後東過七星橋會星橋興聖塔院

前又東越南門幹河過望仙橋又東徑淨土橋港口過

永福橋長生橋北折過麥市橋復折而東過塌水橋北

折出東幹河一支南流至徐家橋又歧為二其一東流

徑華婁學宮前右徑提署西港過樂橋又東徑前營

署前少折而南過登瀛橋儒林橋南出為提署東港自

儒林橋東折過玉帶橋徑雲間書院前達南幹河其一

流過太平橋西通舊西湖東過提鎮署前合提署東西

二港水東流過府學前又 又東過悅安橋 俗名佛 右徑

月河口小橋又東過楊家橋右逕月河橋 華志云自西

轉而北出小橋達于前幹河彎 又東過普照寺橋右徑

環如半月為月河已為平陸 又東過普照寺橋右徑

丁行橋河 華志云自丁行橋南入至居士橋已為民居

琴橋河西通丁行橋河琴橋河南至鳳  
左徑中亭橋河

又東至華亭署前過望雲橋右徑清河橋華志作左徑

廣明橋河已湮又東至府署前過愛民橋左徑米倉橋河

俗名小倉橋已湮右徑莊老橋河橋南為南又東過德勝橋徑

貢院前又東過郭門橋右徑米市橋河南流過淨土橋

仙橋達南幹河左徑東亭橋河詳前又東過里仁橋左徑棠梓橋

河北至馬嶠寺已湮寺前放生池尚存東北行過放生

河橋又東北為網船浜直至東門城根一汪清激雖為

民居築斷而曲徑幽又東過蓬萊橋徑嵩高書院前又

情猶足引人入勝東過東明橋出東水關達南俞塘南幹河舊名小青

松江府志

卷九

山川志

十八

水

香花橋河止府城隍廟西又南過穀市橋左徑望仙橋河詳前又

南過迎仙橋左徑陸家橋河已湮左徑玉帶河詳前又南過

登雲橋絕牛市涇華志云東至龍門寺西出南水關達

官紹塘

郭志原案松郡城所納之水自浙來者由官紹塘以入南  
而西門其自黃浦分為北支北塘諸支河入於松江此  
門乃分出東北大略也其後松江流湮塞而東江  
明成宏時水道大略其後松浦是歸于浙水  
之移注黃浦者寢大汐吸惟浦是俱東南流  
不復入城而湖柳之水自趙屯白鶴等江俱達郡  
亦過郡城南即入浦矣浦潮至北折分以達郡  
城從東南西三門入自北門出與舊志所載不同今  
如秀州塘官紹塘及城河等水道所向仍舊志以  
見松江之不可濬且潮水無定故道也其今  
昔異同詳圖中觀此知郭志所載水道俱仍  
流舊文然百五十年來浦倍深闊會歸益眾若仍

文未免目迷故循今時脈絡由源達委俾後之覽者得參考焉

附郭諸水 郡郭諸渠浦近潮渾故為淖為陸為民房哽

積而久之難為力也

御史涇 長一百四十七丈 首起南俞塘肚帶橋下 北對明星橋 東通柳

涇西通邱涇官紹塘之咽喉也

南俞塘 承東城濠東流左徑洞涇濯錦港 長三百五十六丈北通北

俞塘 右逕御史涇至三里汀洩於柳涇又東左涇鄧涇東

西李家浜右逕唐家浜 長二百六十一丈 至呂塘廟南出鹽鐵

塘自呂塘廟分支東流左徑徐涇 長一百九十五丈北通北俞塘 東南

由語兒涇入浦北通胡婆涇 長六百五十四丈 塘六磊塘 南為荷

松江府志

卷九

山川志

十九

水

涇東流為茭門塘 長二千四百丈東通橫瀝西通沙岡 至橫瀝東為陸道

浜 長一千六百二十丈西通淡水河 入於浦

北俞塘 自東門楊賣柴橋絕洞涇左徑廟塘 長六百七十九丈通

張涇 長七百八丈案張涇在俞塘北西通廟塘河東

華河涇 長四百三十八丈苑涇 長一百二十尺 又東越蟠龍塘又

東左徑澱港 長九百八十八丈沈涇 長一千二百丈 越鴉雀

浜 長九百五十五丈搖蒲涇 長一千五百丈 沙岡紫岡駟馬竹岡

又東越橫瀝新涇左過八尺溝 長二千八百丈 靛家浜 長

千二百丈何家浜 長三千丈莊基港 長二千八百丈 東入於

浦

北張涇 在洞涇東其南接斜塘北入于泗涇其東即盤

龍塘也

顧志

洞涇 自張塔橋北行貫北俞塘入泗涇

顧志

今北承橫塘

南流為小洞涇右徑趙輝涇左徑張仙涇譚家浜又南

逕祥澤道院西過小洞涇橋絕泗涇又南為洞涇左徑

盛塘浜

東徑北張涇

右徑牛橋浜

西由焦墩浜達通波塘

又南徑九曲

港

北通北張涇

絕北俞塘過張塔橋達南俞塘

泗涇 自祥澤塘折北而東納通波涇外波涇

案通波涇北行過蔡

家涇問涇東北合外波涇通橫塘

洞涇張涇四水故名東合蟠龍北行

絕橫塘折而東為蒲匯塘

顧志

原案云元初水盛于橫塘至正間潮徙而南涇面

### 松江府志

### 卷九

山川志

二十

水

廣三十丈深二十丈為水道之要今自此至蒲匯塘皆淤淺稍旱可揭而涉天台陶宗儀南村草堂在焉

祥澤塘 在五里塘北自顧會浦分支東流北由玉皇閣

與崧子浦合遂東為泗涇

顧志

案婁志云祥澤塘自

塘橋歧而東為祥澤塘說與府志合又云屈北過魚秧

浜孫涇又北徑泗涇口又北過橫塘口自橫塘以北今

名盛澤塘疑即祥澤之訛又以北流者為祥澤也考萬

厯水利圩圖冊祥澤塘自通波塘分支東流徑保福寺

前又東左徑寺涇朱家浜又東徑祥澤廟前至楊家浜

繞十八畝致雨字圩至孫涇橋折而北左徑右徑

蔡家浜又北左過泗涇口何家浜右涇又北左徑

八保四區祥澤北流至橫塘而已橫塘以北別為盛澤可

據此是祥澤北流至橫塘而已橫塘以北別為盛澤可知也

五里塘在顧會浦東斜對二里涇東流與洞涇合

顧志

集賢涇在通波門東自城濠分支北流經郡厲壇後東

合於洞涇其北五里塘也志顧今自顧會浦入三里橋東

南流徑新開河南流過和尚浜又南過郡厲壇出集賢

橋俗名鬼達城濠已淤

采花涇南接城濠北通二里涇其東北花園也園之東

北有夜游涇相傳陸氏自園泛舟夜游於此志顧今承二

里涇水南流左徑一里涇夜游涇右出白龍潭又南左

涇壇基港過采花涇橋達城濠案今夜游涇自采花涇

南折繞寺前而西與壇基港間隔數武一支北流瀦水

一廬舊廣數畝今止一小潭而已涇南烟火數家四圍

松江府志

卷九

山川志

二十一

水

明屠隆采花涇篇采花涇上花事繁王睢鼓翼倉

庚喧南國明瑞交雜佩西園公子開酒尊沙棠之舟

木蘭槳微風淥水橫塘上羅衣香裏把扇搖玉簫聲

中暗波響陸家兄弟傾吳都空青水碧條黃耳去月

一雙雪皓鳥鴛鴦七十烟模糊美人浦口猶餘采花處

冷花殘海空曙堤邊不見蕩漿人浦口猶餘采花處

千秋秀色平原村只今惟有王孫偃王孫子美白

暫少年才氣何翩翩枝枝有蕊真無價采芙蓉信

可餐京洛風塵馬蹄緩與君送日南雲滿今年雪凍

邊氣深來歲山開水痕暖可憐開時不在家何由繫

楫臥空沙石瀨猶疑聽

清吹衣裳曾得染明霞

褚庵港東承沈村涇水西流貫穿陳沈村周家草諸聚

落閒又西達沈涇塘

黃泥漕承沈涇塘水西流至高家厓西北通田村自高

家厓南折右逕小清河過錢涇橋達秀州塘

白龍潭 在府城谷陽門外坊後柵橋其南通小清河北

通二里涇東出與城河合北為采花涇潭廣十餘頃相

傳有龍蟄其下水深而清可瀾可釀歲旱禱之得雨顧志

詳見西今為商民所侵已去潭之半矣然花晨月夕

尚有游人簫鼓畫船歲時不絕端午龍舟水嬉士女猶

集於此郭志其源承神山塘水東南出塔橋南出澤潤橋

達秀州塘東出坊後柵橋合采花涇水南達米市塘

小清河在今秀野橋東循西林寺東垣北入白龍潭顧志

婁志云自塔橋門入河形在坊寺橋南今湮案小清河

自新橋受白龍潭水南流西折徑東西清河二橋今兩橋之

松江府志

卷九

山川志

二十一

水

間堆堵越澤潤橋港徑內外香花二橋過西禪寺北折

至登龍橋一支北出采碧西折為秀水浜俗名臭水浜

衢僅存石又西過斜橋一支北流至坊為斜橋浜浜西皆成

通衢旱又西北為清河潭一支西出塔橋港正當西林

舊志一支西北亦出塔橋港入小斜橋在塔橋港又西

北過秀甲園折而西南由黃家潭子出黃家石橋越沈

涇塘入佛閣橋西為丁家浜又西越包家橋港又西越

錢涇橋港入啟賢橋曲折西行直達礮臺出古浦塘父

老云昔跨塘倉橋之間未有民居水急而險且多荏苒

之患商旅避之多由此入城乃秀州塘之內河也今河

形間段淤塞多成平陸而石岸旱橋猶可案跡而求詳  
覈之補前志之闕

南錢塘 自李塔匯分派而東散行村落間為呂巷港出

秀南橋為蔣涇出蔣涇橋竝入秀州塘東匯為莊港又

北為斜涇過超果寺與瑁湖南口合東入城河與張涇

合顧志

二里涇 起秀南橋承沈涇塘諸水南流右徑橫涇口西通

倉城 左徑鹽倉河東通大張涇 又南徑陳陀橋址西南通小橫

秀州塘 為張涇左徑文浜東通斜涇 又南至金雞浜達浦

俗呼西漢案張涇為徑柘澤以南諸水宣洩之要道  
舊時未通黃浦前志從略雍正間鹽商恐私梟偷越於

松江府志

卷九

山川志

二十三

水

此築壩北鄉民田屢遭水患其後開通至今利賴

張涇 續志云起南門太平柵至張堰長六十三里浦南張涇

詳西南 納郡城西來諸水合米市塘案自城濠南流過

張涇橋 南行過鬪武浜又南 入于黃浦陳志塘口出

米市渡 四十四保一區長四百八十四丈二  
區一千六百丈四十一保一區四百三丈

米市塘北段 起城內米市橋南行過淨土橋西折過望仙

橋南折出南水關合城河西南出米市塘橋俗呼小西

合張涇越黃浦而南至東泖港口接鄉界涇浦南米市

渾稱鄉界涇 四十保一區長五百八十八丈二區七百四十四丈

官紹塘 在南水關外受城河及斜涇諸水入登山主橋



南行過呂巷普濟二橋東過杙子涇內通南俞塘西過油車浜由薛塔浜通米市塘

又過南倉演武場邱涇又東過御史涇合柳涇入浦一

支自倉河轉角處分流南行過打鐵橋入黃浦為小官

紹塘陳志 案小官紹塘為金山往來驛路浦口有馮家渡今官紹塘東至御史涇已皆淤墊小官紹塘

尚通舟楫 四十保一區長一千四百七十五丈二區一千七百三十丈

柳涇 在御史涇東其北口曰三里汀斜連華陽港掣引

鹽鐵盤龍南北俞塘水南行合官紹塘入黃浦勢甚洪

壯而鹽鐵等塘開塞無常坐其分奪之故萬歷五年壩

截柳涇北口而蟠龍俞塘諸水竝繇鹽鐵塘行陳志 今北

口復開而鹽鐵等塘漸淤淺矣郭志 案顧志又云絕浦而南經化成寺古胥

松江府志

卷九

山川志

二十四

水

顧柳也涇以是名考化成寺舊在府南二十七里宋端平間僧妙智奉六和神土人感其靈應發土實柳造寺

于上柳在宋時已成平陸

浦北浦西諸水湖柳分流過郡東郭已為強弩之末浦潮東南竝進濁入清出積淤不治將成

平陸惟痾瘵民瘼者銳意圖之

鹽鐵塘 在府東南嘉禾志長三十里世傳吳越王於此運

鹽鐵因以為名雲間志自呂塘廟南流入黃浦絕浦而南

過蕭塘港望湖涇南橋淺沙塘上下橫涇至捍海塘止

其止處為漕涇顧志北達太倉江陰入江郭志 案雲間嘉禾志 案皆云

鹽鐵長三十里而顧志謂自呂塘廟南流至捍海塘止是塘長七十餘里也陳志又稱南止松江葉謝北達太

倉江陰不惟長至三百餘里相懸殊甚且南止葉謝亦與顧志未符三說互異考萬歷水利輿圖冊區保南北



紫岡俗名新河長三丈北起橫涇南流絕春申六磊俞塘又

南達浦案雲間志載古岡身三皆南屬于海抵松江

北而略浦南是南半已無可考  
茲亦不敢妄增疑者闕之也

竹岡塘浦南竹岡詳下在沙岡東首尾延亙如一至蒲匯塘而

北別名小菜浦顧志案小菜浦起橫塘越蒲匯塘徑

匯塘西由仇涇入盤龍塘十八保新莊區長二千五百  
四丈馬橋區二千五十四丈三十六保一區四百二十  
丈

橫灤塘一名橫涇在竹岡東其南所至與竹岡同南橫涇

下條北絕松江入嘉定界顧志踰太倉歷常熟直至江陰以

北郭志案橫灤在府境浦北者自江橋鎮南越松江

松江府志

卷九

山川志

二十六

水

絕新村塘張家浜又南過顯橋絕六磊塘為茭門塘又

南過北橋絕俞塘南至閔行鎮達黃浦其左支為陸家

浜陳家浜金家浜五漕夏家浜王家浜俞家浜唐子涇

上江塘陶家溝南北積水浜船舫浜馬路浜官路浜其

右支為魚水窪油車浜漵車浜許郎浜黃郎浜官家浜

丁家浜遊柘涇劉家浜東船浜先生浜陳涇郭家浜許

成溝新浜北長浜黃泥浜南長浜十六保閔行區長

一十二百九丈八保關前區三千丈北橋區一千二百

丈二十二保新涇區二千四百丈三十五保一區四百

三丈三區三百五十五丈  
淡水利長一千九百六十丈西承橫涇水東入鶯竇湖

鶯竇湖一名邢竇又名鶯脰俗名櫻在府東三十里周

回五里嘉禾續志云已廢顧彧志在上海西南五十五

里周五里舊有邢竇二姓居此故名今已淤塞訛為櫻

桃匯又案蔣參議性中墓誌所居側近鶯脰湖往來病涉公以縣立坊物作橋濟之是湖雖淤塞而故道猶存也顧志今湖西承橫瀝水一支東行通六道浜一支南折

入浦

唐子涇

長三千五十丈

吳沖涇

長一千二百丈

在六道浜北西分鶯竇

湖水東達於浦

浦口有吳沖涇渡

六磊塘自盤龍分支東流為車溝東北為新村塘為吳店塘其北為夏家浜東流為廟涇為新港為烏泥涇東南為華漕港北為八尺港竝入于黃浦顧志案車溝隔浦與周浦塘對六磊之下流也十八保馬橋區長四千一百七十丈三十六保四區五百七十五丈

松江府志

卷九

山川志

二十七

水

吳店塘

一名滬點

在車溝北承新村六磊車溝諸水東北達

浦

華涇港在吳店塘北西承新村華莊諸水會華漕東達

浦

案華漕即烏泥涇八尺溝之下流也

烏泥涇

上有鎮北為鄭家漕為曹胡涇北即龍華港其

北為灌涇為日赤浜陸家浜薛家浜徐巷浜肇嘉浜坊

浜侯家浜南楊涇北楊涇矸溝浦竝自西東流入於黃

浦坊浜肇嘉之間為上海縣治

長橋港西承春申塘水東流入浦

張家塘在長橋港北合張家浜東入于浦

瑤涇港在張家塘北西從曹湖涇東流入浦

蒲匯塘 西受盤龍泗涇橫柳水東流過沙竹岡橫樂諸

水竹岡橫樂之間為七寶鎮又東行徑新橋虹橋太平

漁水窪東西上澳陳為龍華港郭志案蒲匯界于江

涇劉涇出小插橋為龍華港浦歷華婁上青四邑之

境為今東西緯河大幹定例五年一濬四邑之民通力

合作而中飽于吏胥泥頭者六七實用于河纜十之三

耳故隨濬隨淤藉此一塘以為蓄洩惟良有司于輪濬之

龍華港 接蒲匯東流過漁水窪東西上澳至小插橋東

口左徑東南至百婆橋入黃浦故亦名百婆塘顧志案諺云

松江府志

卷九

山川志

二十八

水

龍華十八灣灣對龍華其曲折如此而深通暢達為

今日江浦腹內之通津此曲而能宣之驗也二十六

保北區長二千五百丈

陸家堰南承龍華港水東流達浦小馬橋大馬橋皆在

陸家堰東與陸家堰日赤港互相貫注北流達浦自陸

至此屈曲轉東之處皆港之小者

日赤港 長二千八百丈

西北承新港水北通寺浜西通肇家浜

南流入浦 浦口為草庵渡

薛龍港 長六百四十四丈 西通日赤東流入浦 此港當黃

老高昌廟港西承薛龍港水東南入浦 浦口有高昌渡

望塔港 舊名望達又名網達新建 上承城濠水東南入

石梁與龍華塢相望故名

浦

陳家浜內名裏陳家港與聖塘港小港合流入浦

新高昌廟港南通陳家浜北通陸家浜

陸家浜長一千四百丈內通陳涇廟浜陳家浜至城濠東流入

浦其西北有榆木涇南由沙家石橋通東西上澳榆木

東南為新港

唐浜長八百四十丈在五里橋北東西里許潮汐不通而無枯

涸之患灌溉資之

薛家浜在陸家浜東北浦水入青龍庵西北流徑小普

陀妙蓮華橋北折而西過小牐橋進朝陽門水關過永

松江府志

卷九

山川志

二十九

水

興橋陳籬桶橋西流徑度鶴橋南折徑蕊珠宮薛家橋

止西城下又于度鶴樓分流北折至小橋西轉會半段

涇中心河合於肇嘉浜

二十五保在城區長二千六百丈二十七保郁家宅區八百十

三丈

肇嘉浜 在薛家浜北浦水本由郎家橋下入今壩斷南

分薛家浜水北分方浜水會於朝宗門水關始由故道

入城徑縣治南篁笠橋魚行橋縣橋虹橋出西城儀鳳

門水關西流過萬生橋而西出牐橋徑羅家灣陳涇廟

南折而入於蒲匯塘

上海縣志案此浜為縣治正中

於此受沾溉洩瀉之利焉張志云水關啓閉不時且夾  
闖闖易淤雖歲加濬治而旋復如故宜用舟載淤泥外

徙云 二十五保在城區長二千五百丈二十七保郁家宅區八百十三丈

方浜在肇嘉浜之北浦水由學士橋插下入寶帶門水

關城內經益慶橋長生橋城隍廟前館驛橋陳市安橋

西折南下出中心河橋歸於肇嘉浜北流通侯家浜十二

五保在城區長一千二百丈

西洋涇浜在方浜之北浦水入八仙橋三茅閣前西流

北通寺浜宋家浜西通北長浜西南通周涇

北插浜在洋涇浜北 楊林浜在北插浜北 慈洪在

楊林浜北 宋家浜在慈洪北

案水之發源多由西北而輸東南上海附郭諸河源由橫泖蒲匯盤龍橫瀝東注肇嘉浜分達內外城河

松江府志

卷九

山川志

三十

水

東洩于浦今上流久塞不絕無源頭活水潮汐一退涸

可立待故論水者不得不記潮之所至以資利用更

求決排之術引太湖不竭之源多設插座以

時啓閉庶盡旱潦之備而享百年之利焉

府境西南受浙界之水 源金奉之閒上承浙水徂東而北

張涇塞而鄉界以東無清流自山塘而張涇

以西亦漸塞引浙水而利導之當自金山始

秀州塘 俗呼為 在府西南其源出杭州西湖歷嘉興而東

至楓涇鎮入界 案浙水自杭州吳山北過臨平山北

至長安壩東流過海寧又東徑海鹽塘東北過當湖與海

漉河東流出會龍橋由漢塘至平湖入金山為橫泖長泖

鹽諸水合流而北過柳莊東北入關為運河歷塘棲

胥浦山塘之源一為下塘河過北新關為運河歷塘棲

穿石門城左受楓樹兒十八涇右受羔羊柿林十三

涇之水過石門塘入桐鄉界南受車口陸墅北受車溪

爛溪諸水東流入華亭塘又東至楓涇為秀州塘及

魏塘至嘉善東流入華亭塘又東至楓涇為秀州塘及

大茫大蒸諸塘之源也

去府六十里由鎮而東過白牛塘絕長柳

柳口有橋今廢

至萬安橋北流合滕港又合黃橋門合斜塘東

流入橫潦涇為黃浦志顧一支源從圓柳來由古浦塘東

行至問俗亭南折合石湖塘水過李塔匯又合斜塘水

亦由橫潦涇以入黃浦志郭其自問俗亭東至谷陽門水

皆南流分東西二汊達浦一保二區長二千五百三十丈二保一區一千一百六十

三丈三保一區八十八丈六尺二區一千五百四十四區三千七百八丈四保一區二千三百五十三丈四區

二千八百六十四丈四十一保一區一千一百九十二丈二區二千八十九丈三區一千一百丈

橫潦涇長一千八百五十丈即潦涇黃浦之首也志郭受斜塘黃橋懸

星涇豎潦涇諸水東入於浦水勢湍急

松江府志

卷九

山川志

小橫潦涇原委略同水勢亦猛志郭

石湖塘 水自大泖合秀州塘北流其上為北錢村市志顧

四十一保二區長五百四十三區四千八百四十四丈四區一千八百四十五丈

斜塘 亦自大泖來與黃橋門水皆湍悍東入橫潦涇志顧

為今金山縣糧艘入泖運道四十一保二區長一千八百六十九丈四區一千三百

百四十一丈

黃橋門長六百八十丈水亦自大泖來入秀州塘舊於此植木為

水竇七十餘以洩泖水入橫潦涇其勢甚速志顧案

志俱云已塞今灑瀚如初水竇久廢

濮陽塘 在章練塘南上有濮陽王廟志顧其東北由大蒸



入柳郭志

大蒸塘長二千七百九十九丈在濮陽塘南其西通白牛塘東入於

柳北為毛練白蕩為王家涇其地有古濮陽王墓元嚴

陵邵桂子別業在焉顧志濮陽王墓蒸土為之其地因有大蒸小蒸之名詳見貞溪編

其源承浙水自唐家草東流右徑張墳港西莊港過大

蒸越白牛塘又東右徑石涇路夏家浜橫瀟長柳裏外

五舍港左徑三和村港東港王家涇湯練涇朝方涇莊

前涇古養港南渡港柳漕石湖塘又東入圓西涇一名表仙

涇又名懸星涇達橫潦涇

小蒸塘一名貞溪長二千三十丈承蓮花蕩水東流徑蓮花寺前為小

松江府志

卷九

山川志

三十一

水

蒸市河過永豐橋樂善橋至蘆花庵達於柳

白牛塘 其源自當湖過雪水涇通馬莊塘至楓涇貢師泰有詩過

潛鳳橋又過牛滑橋郭志北流至毛家橋越大蒸塘又北

越茅瀝白蕩入元和界陳志云陳舜俞嘗居白牛村今白牛塘是也一保一區長七

千九百一丈二區三千一百丈三區六百五十丈

元貢師泰詩白髮飄蕭寄短篷春深杯酒憶曾同落花洲渚鷗迎雨芳草池塘燕避風烽火此時連海

上音書何日到山中故人別後遙相望夜夜空隨斗柄東

大茫塘長五千一百七十一丈東流入於長柳南與平湖分界金山縣志

柳港 西起秀州塘為小柳涇東流越掘撻涇北流至腰

涇折而東為大柳港東北流越大張涇東流過東西積

錢港絕米市塘為東柳港餘詳柳涇四保四區長五百六十九丈七保三區七千

六百八十七保一區三百九十丈

朱涇一名市涇長三自秀州塘分支貫市橋東流絕驅塘

至張涇東為橫涇又東為蕩涇當市橋回折處日落照

灣俗呼赤日顧志唐船子和尚禪鈞郭志作處陳志市西當秀

州塘轉折處為萬安橋港水勢湍悍舟行甚險案無名

朱涇賣柴灣水道碑記云鎮當柳浦之交蓄洩濳洄所關非淺舊有賣柴灣一河居掘石涇西偏潮至則引申

浦之水蜿蜒以西流潮退則導柳湖之水紆徐以東瀉不淤不疾灌漑順利而奸宄不得出沒其中鎮無荏苒

之患迨後愚民無知乃於周家坎別疏私港故道日淤于是水行徑直迅不停流奸恣行飄然莫禦嗚呼二

人足無異曩時詎可得哉歲在己巳旱久歉收攘竊累

松江府志

卷九

山川志

累里中深識之士謂不更水道不足備不虞告之諸

父老眾志僉同奮錘雲集私港既塞而柳浦掘撻諸水

復由故道而漸達於朱涇諸水之西來者亦得委折迴

旋漸歸於申浦賣柴灣淤塞之途不加濬而焉深廣

里人咸稱神助猶恐奸民之陰壞其功也既閒于官復

相率請余為記以誌諸河防王法有禁彼奸民其何能

為我于是益歎水之為大利害雖一隅莫不然也夫一

隅且然凡居澤國者顧泄泄焉不講求其故亦獨何

哉是記得水之要領塞彼決此故能不濬而通今西南

失水利者久苟徧相其脈絡向背順其性而利導之

庶幾事半功倍不至早嘆頻仍變高腴為磽瘠也

掘撻涇俗名掘石涇長二自胥浦北流絕歸涇過漩子涇

周家坎口金山縣漕艘又越柳港入橫潦涇

驅塘長四千七百五十七丈南起山塘北流絕瀝瀆胥浦歸涇為二里

涇又北絕漩子涇合邵家塘北達朱涇市河案舊志云

北入橫潦涇今市北舊跡已  
涇乃合掘撻以入橫潦涇

如塘一作承長柳水自柳橋北流徑長涇東通西潭港東通

廟涇和尙濃由斜港東通後涇張家港東通孟左徑朱

家浜西通西雪水涇新涇西通林城隍村西通斜灣梁

涇西通西諸水又北徑五舍港民壩斷不便商旅農田

嘉慶十六年官為入懸星涇案婁志云如塘為西南津

開通始復故道而獨存所謂柳漕以受往

舍以南柳未淤墊水而瀾漫其中洪最深者土人呼為

柳漕後淺處漸涸漲成灘蕩而獨存所謂柳漕以受往

麪杖港長九千一丈西起黃常涇東流合界浜水又東為界

松江府志

卷九

山川志

三十四

水

港過斜涇一支東北流繞三晷律字圩為小麪杖港長六

百五十丈麪杖又東越丁涇塘遊涇又東左過麪杖橋越莊

公塘南通平湖北通秀州黃沙涇入長柳

歸涇 在胥浦北自長柳來西接大茫塘東流絕徐涇驅

塘掘撻涇東為橫塘至張涇東為後岡塘南有水五歧

合流貫徐涇東入掘撻涇曰五丫港顧志案五丫港

龍港乃歸涇掘撻縱橫交錯合漚龍涇金山縣志云相

歧分為五水勢湍悍上有施相公廟

傳吳王伐越從此凱還故名三保二區長二千一百二

五十四丈九尺二區一千五百三十五丈三區九百五  
十丈四區八百九十六丈五保一區二千四百五十五丈  
二區五百八十二丈四尺七保一區  
四百七十七丈三區六千一百七十五丈

胥浦塘 相傳伍子胥鑿自長泖接界涇而東盡納惠高  
彭巷處士瀝瀆諸水絕石臼浦至張涇東為前岡塘其  
北流絕歸涇出朱涇鎮西為徐涇出鎮東為驅塘出太  
平寺東為掘撻涇顧志 案胥浦太平寺以西皆深澗  
寺東至張涇僅通小舟 三保二區  
長二百八十七丈四保一區五千九百八十三丈二區  
二千五百三十九丈三區一千五百一十一丈四區三百  
七十六丈五保一區一千二百丈六保一區八百九十  
五丈二區八百七十五丈七保一區一千四百二十丈  
五區三百  
七十六丈

石臼浦 接山涇北流絕胥浦入橫潦涇未至胥浦為漕  
港為前鳳涇為東松浜西松浜東松北為蔣松涇東與  
張涇合蔣松北絕橫塘入市涇者曰小張涇以東有張

松江府志

卷九

山川志

三十五

水

涇也顧志 五保二區長三百三十六丈六保一區五  
百三十丈二區六百七十八丈七保一區四百七

十丈五區  
八百五丈

橫泖在府治西南金山縣境興府北之橫泖  
原委皆異郭志於此稱東橫泖以別之其源自當湖

長泖來介平湖華亭今分屬金山閒其支流為華家涇丁家

洋為泖港顧志其東為秋涇北通呂涇白涇經秦山塘南復東

北流由周倉浜入沈涇一支東北流為惠高涇南通華  
港北通

胥浦塘為彭巷其東為朱家漚北為處士涇又北為謝墳

涇為西帆涇東帆涇南通薛家塘  
北通蔣巷浜北為胥浦塘又北為

石臼浦遂北入瀝瀆塘陳志

山涇在秦山之西其北通石臼浦由秦山北轉東為新

河東北爲落河潭顧志

白涇其源自平湖乍浦來惠高彭巷處士諸涇港皆所

自出東南通山涇顧志

瀝瀆塘一名璜溪亦自長柳來東行過惠高涇彭巷港處士涇

西帆涇又東過東帆涇北入於胥浦顧志長一千一百七十

丈三區一千五百丈  
五保二區四百丈

新運鹽河張涇附在裏護塘外自金山衛城北流至張堰鎮

西爲張涇初在查山東後以風濤之險改濬於北人呼其東爲舊河其北即古柘湖地東通徐浦塘

張堰稍東爲高家涇顧志過前後岡塘高蔣涇廟涇柳港從詹家

匯出瓜涇塘遂絕而北接駱家浜爲合塘涇爲蘆涇東

松江府志

卷九

山川志

三十六

水

北與米市塘接折而北至張涇橋與城河接長六十三

里凡西南諸水皆由之入浦陳志

案新志載運鹽河三其單曰運鹽河者云在府東南九

十八里今青村西有河名運鹽道里亦合無可疑者其

曰東運鹽河在府南五十四里西運鹽河在府南三十

六里今此河居張堰南去府正五十餘里而地勢偏西

亭林南有鹽河通鹽鐵塘去府正三十餘里而地勢反

東然此外渠港別無以運鹽名者疑新志所載即此特

東西易地爲小誤耳故今定以此爲西運鹽河而以亭

林南者爲東運鹽河以俟考於知水道者

顧志案今鹽運因張涇

淤塞鹽艘不能直達金山縣城但以小舟般送東至秦  
山北入胥浦西北至楊關頭過船起運幹流如此餘可  
知矣六保一區長一千二百五十五丈二區一千三百  
二十丈七保二區二萬二千八十六丈三區一百八十  
丈九保一區一千五百丈  
二區一千七百八十九丈

三汊河 在金山營西三里西自平湖界新倉秦望山諸

草蕩發源內地涸燥北引張堰潮水以資灌溉港汊淺

狹蓄洩病焉於萬歷六年七年兩次加濬民乃復業陳志

浦南諸水 自張涇淤塞浦南之水皆為無本橫涇以南  
止水停淇猶有餘潤橫涇以北轉仰潮汐為

源苟不求其本而但言開濬近救目前之急而  
已故與西南諸水竝存東流舊文以冀復古

運石河 西承浙江平湖黃姑塘入府境為新開河沿內

護塘而東左逕界涇顧志云在府西南平湖縣之北境  
東直胥浦塘北為大茫塘麪杖港

松江府志 卷九 山川志 三十七 水

西為野民涇過白牛塘接嘉善 又東越青龍港金山縣  
志云城

濠東南青龍港即江口昔 過金山城左徑新運鹽河詳

時出處因築海塘而塞 顧志云東為白茅涇又東為黃泥

高家涇 顧志云自張堰東護塘下北流為後涇為黃泥  
漚西入於張堰高家之東為白茅涇又東為沈

湖涇洮港 顧志云自護塘北流至前岡止陳志云其水  
自胥浦案今折北而來又西北為楊樹漚吳塔

涇俱北入吳家溜案今洮港反藉前岡南來之潮過顧  
胥塘西南至楊胥鋪注白茅涇東南由嚴家灣出長漚

西出黃 又東奉賢涇 詳 招賢涇 顧志云奉賢涇由東案  
墳涇 又東奉賢涇 詳 招賢涇 顧志云奉賢涇由東案

港南流絕下橫涇上橫涇至徐浦塘達 漕涇 案漕涇

石河東南會龍泉港自橫涇北由龍泉港達 漕涇 案漕涇

之北故道盡湮轉藉龍泉潮東南由阮巷轉注運石  
梅林涇 案梅林涇自運石河為沙岡 滄闕竹岡橫瀝

俱詳 柘漚塘 詳從令 和尚塘 顧志云起捍海塘西北流  
下 詳金匯 又東達青村運鹽河 東通陸江塘及青村港餘  
塘下 承俯注為諸河根本今支流淤墊來水甚微灌漑之利  
轉賴渾潮而置有本之水於不問旱曠頻仍所由致也  
因補載之以俟  
問俗者考證云

鄉界涇 華亭志云從米市渡口南入其東為吳家漚西

南為後岡塘為前岡塘為黃墳涇直南為高家涇俱至

運石河西達金山衛北水關金山縣志云自前岡北流

過後岡塘高蔣涇至東泖港口入米市塘 案鄉界涇泖

市塘南為鄉界涇昔通利時南承運石河西承張涇之水北流出浦自高家涇張涇淤塞惟藉浦潮內灌故華志以為從南入也 鄉界涇七保二區長七千二百丈四區二百丈南米市塘十保二區長一千二百丈

松江府志

卷九

山川志

柘湖陳志云柘湖之水東去十二里為金山港上有金

山營又東十二里為菊花港一名胡家港又東北五十

里曰蔡廟港俱護塘外 今俱築塞餘詳古蹟 案郭志

在衛城其地故小官鹽場也十國春秋吳越竇正二年

有標題金山港者金山縣志亦但載小官港小官浦而已

徐浦塘 已淤 自舊運鹽河分支東行草蕩閒歷浦東場曹

涇市至滌缺插止其南通海 今為海 支渠曰胡家港金

山港菊花港曹涇港 顧志遺迹猶存自浦東場至滌闕已無

可攷

顧胥塘 陳志作浦長九百五十六丈 自白茅涇東流絕沈湖涇洮港

為善涇至奉賢涇北為上橫涇西北為前岡塘顧志

前岡塘長二千六百九十六丈自張涇接胥浦塘東流絕黃墳涇

至白茅涇折北而東至亭林入方胥塘其西一支斜入

張涇曰丫汊涇其東自沈湖涇東北流為千步涇過蕩

涇為褚石涇過廟涇為吳家溜為小官紹塘北入瓜涇

塘顧志今潮由方西塘西折南支入洮港其西南出寒字

圩達鄉界涇東注

後岡塘長三千七百四十五丈西接橫塘東流至亭林與前岡塘

合顧志今淤淺惟北引潘涇水沾溉焉

橫涇長九百七十丈西接市涇自張涇東流過潘涇為蕩涇入

松江府志

卷九

山川志

三十九

水

千步涇其北為高蔣涇又北為廟涇又北為泖港顧志

高蔣涇長七百丈自張涇東流過松隱寺北流為鄉界涇為

米市塘東北為蓮花朵與廟涇俱入小官紹塘蓮花朵

之南為南洋涇北為中洋涇又北為北洋涇竝東流南

入方西塘北入祝家港舊圖有洋湖在胥顧謝家泖之南今化成庵在洋涇北疑涇即

湖之遺跡也顧志

爛涇一名豔涇舊志作窰涇長一千六百二十丈西承長泖張涇諸水東入米

市塘自來為吞吐要樞朱涇在西北張澤鎮在東南陳志

今浦潮自塌水渡南流經謝家渡太平渡西南流為張

澤塘由塘南大橋而西為廟涇徑松隱松隱寺前已塞西入泖



水

方西塘長五千六百丈自亭林西北流為祝家港東北入鹽鐵塘

西通洋涇西北通爛涇爛涇北流為泖涇自化成庵東

北流入瓜涇塘與大泖涇對俗呼為斜涇顧志案斜涇又名南泖

涇東由祝家港出鹽鐵塘西通爛涇今塘為南境幹河受大洋涇潮汐注

亭林市河案今市河西北受方西塘潮汐東注鶴脛匯出新涇塘南注楊樹漚東北通運港西南通

三里港前岡為今南北往來要道其南為南方西塘西流入三里港前

岡塘

奉賢涇長四百五十八丈在洮港東北流入運港其西為新港北

入善涇逶迤西北行為楊樹漚為吳塔涇至亭林與運

松江府志

卷九

山川志

四十

水

港合北入方西塘善涇之北為何家溜東為界涇又北

為鹽河為趙巷港東為下橫涇顧志案原注云奉賢涇疑即古新涇考宋邱

密復十八堰謂新涇塘水勢湍急運港去新涇塘二十

里水勢少緩移築大堰于運港今運港去塘甚近即南

極朱巷亦無二十里故顧志猶有疑詞然毛漸傳請濬

新涇柘湖下金山小官浦入海又載築運港塘堰西岸

至柘湖二十三里今柘湖舊跡相距二十里與毛傳合

招賢涇詳運石河下

龍泉港俗名龍船港長九百七十八丈在招賢涇東北通運港顧志為望

湖涇直南幹河受浦潮南流過烟墩絕下橫涇上橫涇

南徑九墩塘口西南徑蔣莊山洋湖缺口南注運石河

案龍泉向為東南要河沿海支派由此北達鹽鐵諸派

彙流勢甚湍急最為利便今上橫涇以北皆成平陸南

鄉之水東由梅林涇出沙岡西由新  
涇塘出灩涇勢分力弱而鹽鐵遂淤

鹽河在界涇北東流入鹽鐵塘顧志未詳

上橫涇 自奉賢涇東流絕鹽鐵塘而東歷胡家橋至柘

林市即今柘林城東入柘瀝塘顧志十一保一區長二千

丈十二保一區三千一百丈二區二千三百五十七丈三  
區一千二百七十八丈四區八百四十丈十四保一區  
五百九十七丈

下橫涇 自奉賢涇東流過法華橋東南入胡家橋與柘

瀝塘合顧志承鹽鐵塘東下西接洋涇西北通爛涇入黃

浦陳志案上下橫涇舊雖竝稱而下橫涇久淤惟上  
橫涇為今華奉往來要道太平橋起西段稍淺隘

十一保二區長一百八十四丈  
十二保一區三千二百二十丈

松江府志

卷九

山川志

四十一

水

運港長二百一十丈自亭林鎮前東流入鹽鐵塘自鎮東折北

為白龍潭今涇為吳衝涇東北通葉謝鎮顧志原案云  
嘉禾志載西運

港闊三丈而不言所  
在今志此以俟知者

鹽鐵塘俗名葉謝塘自得勝渡引浦潮南流西支為祝家港塘

由葉謝而南至望湖涇而與千步涇合南流為龍泉港  
西則運港會之東則南橋塘會之其東出之支為清水

港塘朶港蕭塘港皆東會於千步涇餘詳浦  
北條下

俞江塘今名俞涇塘自漕涇北流絕上下橫涇與鹽鐵塘合

北入望湖涇顧志

望湖涇在南橋塘之北東入千步涇北入於黃浦其北

為蔣家浜為秋巷涇為洞涇其南為俞江塘顧志

千步涇長二千七百九十八丈自彭家渡引浦潮南流徑三寶六典

存古青龍四渡至望湖涇與鹽鐵塘合水勢迅厲濁流

橫溢頗為諸河之害議者欲築堰遏之而未果近亦漸

次淤淺青龍存古二渡潮落時可徒涉焉其西通鹽鐵

塘

巨漕長三千八百七十四丈在南橋塘北自萬年涇絕黃浦而北至

六磊塘止其一支從姚涇而西入千步涇郭志

淺沙塘長一千七百八十三丈在下橫涇北西通鹽鐵塘東流為

舊涇過沙岡為新塘過滌缺入金匯塘止顧志

松江府志

卷九

山川志

四十二

水

南沙岡 承運石河水自滌缺北流越上橫涇徑胡家橋

越下橫涇又北徑法華橋至淺沙塘口又北越南橋塘

徑鄔家橋北流入浦岡口有沙岡渡餘詳浦北條下

四區六百三十三丈十三保二區五百四十六丈三區一

千四十二丈四區五百六十三丈五區二百三十六丈

十五保三區六百九十七丈十六保閘港區二千一百

文金匯區二千三百丈閘行區一千一百丈吳會區五

百四 十丈

南竹岡 承運石河水北流越上下橫涇至南橋塘始通

舟楫南橋以南北流十八里入浦浦口有竹岡渡餘詳浦

長三千二百丈十三保一區二千七百九十二丈三區七

百四十二丈四區四百八十九丈五區二百二十二丈

十五保三區六百二十八丈十六保閘港區二千三百二

十丈金匯區二千三百二十丈閘行區二千五十四丈

吳會區七  
百二十丈

南橋塘 在淺沙塘北東流過沙竹岡橫灤從令涇金匯

塘東通青村港白沙岡西北流為蘆涇為姚涇遂為巨

漕顧志十二保一區長四百二十丈三區六百八十

十四丈二區四百四十六丈三區六百二十八丈四區二

百九十六丈十四保四區九百六十丈十五保二區三

蕭塘港長一千六百九十五丈在蔣家浜北自葉謝鎮月河橋下

東流入金匯塘其上有寺曰崇福宋狀元衛涇實生于此其支渠北流為新

涇為長漣為清水港東流為顧莊塘顧志

南橫灤 承運石河水至柘林城東絕上橫涇北流為新

松江府志

卷九

山川志

四十二

水

塘東出為運鹽河朱家浜李堂浜西出為沙泥溝洪溝

絕下橫涇北過橫灤橋絕南橋塘西出為沿路河牛漣

東澱涇北徑百腳港東出為袁家浜潘家浜東高涇其

西為鄭河南潮浜逕蕭塘口北由閔行渡達浦十三保四區長

一百六十八丈五區五百九十丈十四保一區六百二

十丈十六保金匯區一千五百十丈閔行區一千二百

從令涇一名白廟港在橫灤東其南通上下橫涇曰柘漚塘至

捍海塘止北流絕南橋諸塘入浦隔浦與鶯竇湖對顧志

從令十三保四區長六百三十二丈十五保三區一

百五十丈柘漚十四保一區四百五十丈四區三百九

丈十

金匯塘 長七千八百六十七丈 在從令涇之東其南接和尚塘北流

過金匯橋西折為倪家灣北為岡涇塘入浦其支渠著

者曰百曲港 顧志乾隆八年士民唐承煥等以沿塘一十八畝頂濬此塘詳准勒石永遵

百曲港 長八百九十六丈 自金匯塘東流其南為車溝塘入郭

家塘北為雪塔港又北為蘆溝為庵港竝東入運鹽河

港之曲折最多因以得名其上有曲水村 顧志處士姚蒙與其弟臨

隱居於此

張澤港自和尚塘折而東流徑徐家橋小和尚塘至草

場角 乾隆十六年士民張興邦等以傍塘八畝頂濬此港詳准勒石永遵知縣劉暉澤有記

和尚塘東接張澤港至捍海塘北流轉西為學堂浜東

松江府志

卷九

山川志

四十四

水

通陸江塘至青村港

小和尚塘自草場角北流由河塘灣東過楊家灘又東

至高家橋徑青村港又北至何家橋又北至梁店東流

出二橋港

青村港自屠家灣分流至港上東流九里至高橋北合

運鹽河東流過馮家橋三里抵青村縣城

運鹽河有二其一自青村鹽倉北流過高橋至泰日橋又

北歧為三東運鹽河出小插中運鹽河西運鹽河西北

流由蒲撻涇北入魯家匯絕南匯界閘港由魯家匯越

金匯塘西流至倪家灣北流出浦其一 即內護塘 則自

港詳下

下沙場東循海塘北行以通諸團鹽運每團各有支渠其北至青浦止

青村城河北流至沙場灣右過頭橋港三里右過二橋港

東流過分水墩至四團右過三橋港東流過新市達高

河堰至大團由三橋北過蔡家橋至盛家橋南匯交界

頭二三橋港傍塘一十五畝永遠頂濬碑記坤輿形勢統天下而言則西北高而東南又莫如奉邑奉之則西北下而東南之高又莫如奉邑奉之為邑不與浦連邑城距浦百里而遙凡近城諸河潮汐不能相應苟雨澤愆期易成槁壤是故西北之境多苦潦而東南之境多苦旱邑城之北有幹河曰頭二三橋港自城濠而北二十餘里始與南邑界接其中支流數十條其土腴田數萬頃其旁居民數千家以及商舶之通往來之便胥於是河有也然歷年以來失于疏濬乾隆己酉旱甚木涸年不順成于是

松江府志

卷九

山川志

四十五

水

傍塘土民咸願循金匯塘張澤無旱曠之虞并請通共具呈當年一撈後人翻案藉口既奉委員勘濬是河三年久遠以杜後人翻案藉口既奉委員勘詳勒石垂諸久遠以杜後人翻案藉口既奉委員勘驗得實至庚戌春先行撈淺加深民咸踴躍赴工以頂濬之為樂也原是河塘等處或隔百餘里相去遠不塘來本係傍塘八十五里或隔百餘里相去遠不致多年淤塞倘欲主客兩圖則力有所弗勝然則與其調派遠方顧彼此曷自河之為自切也且遠協者工役相蒙偷為一切又曷若自切之不貽誤也茲將頭二三橋港一河與詳請徐譚張澤港一例頂濬不協他徭始蒙曹二尹詳請徐譚二廉詳准各憲今又蒙王廉會同南邑胡廉親勘無異出利周詳也濼固無憂而亦無患匪直一邑之慶地水利之慶也濼固無憂而亦無患匪直一邑之慶亦一郡之慶也濼固無憂而亦無患匪直一邑之慶國家之慶也諸天可一匪直一郡之慶也濼固無憂而亦無患匪直一邑之慶哉

賜進士出身工部虞衡司員外郎夏璇源撰

閘港 長九千六百三十丈 自浦水西來折北處東流徑新場三十六

里自新場分水墩西行會水仙塘蒲達涇諸水入於浦

南匯志 新場之東去海不遠或指為東江入海之故道見浙西水利圖下沙浦在其北

浦東諸水 水望東流常也浦東以海塘過絕乃反西流達浦內水無源藉潮灌溉故開港周浦諸幹

極易淤墊幸自俞家浜以北浦口悉皆堵塞清

外護塘港 呼備難河實防海之壑濠也 介內外護塘間自

南匯南界河牛郎廟水洞循老護塘而北至北界浜九

十里中開水竇以通鹽運在上海者因海潮屢溢已詳

請永閉北入寶山境至教場浜達松江

松江府志

卷九

山川志

四十六

水

內護塘港 一名內橫河 起奉賢二墩徑荒三墩舊四墩新

四墩五墩涵水廟 自奉賢至此統長 越界河 為奉南分

一竈港 棣花橋下南流折 北流徑南一竈港 自護塘頭

而西至盛家橋入龍家港 北流徑南一竈港 自護塘頭

流通大蒲涇西南流為陳家浜入龍家港 南二竈港 自護塘頭

塘西流徑一團鎮西北流至王 南三竈港 自護塘頭

北流徑潘氏祠又西至王 南西竈港 自護塘頭

又西徑玉皇閣橋北流入新場鎮之東橫港為大浦涇又

輝橋為楊輝港又西越分水絕水仙塘為大浦涇又

西合新涇 南五竈港 自護塘頭 南七竈港 自護塘頭

達小閘港 南六竈港 對塘 南七竈港 自護塘頭

水港 南六竈港 對塘 南七竈港 自護塘頭

橋又西至龍會橋南入東橫港北會于北一竈港西至

家橋為馬路港又西至飛雲橋北會于北一竈港西至





家橋西入北界浜舊為上南交界處今屬川沙自護塘  
白蓮涇又北徑秦家溝張家浜趙家溝自護塘西流徑  
塘浜入孫家溝自護塘港西流絕鹹界浜與太倉  
北折入漩河塘西北流入漩河界浜與太倉  
潭通東溝浦自護塘港西北流徑盧九郎溝朱家又北入寶  
分界處自護塘港西北流徑盧九郎溝朱家  
浜北口又西北徑東虬江口又西北入浦

山界達吳松口

下沙浦 在府東九十里嘉禾志 舊亦名鹽鐵塘世傳吳越

王為此以運鹽鐵因名宋紹興乙丑通判曹泳開港浦  
一十八處鹽商舟楫往來交通改名曰浦自浦北流為  
鹹塘鹹塘之東為都臺浦又其東即運鹽河顧志 今承北  
一竈港水西流過夏家橋合南七竈港徑飛雲橋至下

松江府志

卷九

山川志

四十八

水

沙鎮南入都臺浦北入鹹塘 為下沙浦又西徑汪家豁施家行撥

賜莊左納金鈴港施淮港郁家港諸水右徑牛腸涇馬  
蘆涇紅娘子港西達于浦十七保乙王廟區長四百丈周浦鎮區三千九百三十五

文十九保下沙鎮區三千九百三十五丈下沙鎮西區三千九百丈撥賜莊區三千五百丈沈莊區三千八百  
三十丈

王家浜俗名杜家行 在下沙浦北承北四竈港水西流徑腰路

樊家壩泰日橋鎮至沈家牌樓西南流為強過汀徑康家橋歷凌墓蕭王廟斜

合三竈港 又西為朱箍桶港又西絕鹹塘徑黃鶯橋為王家

浜又西徑野貓洞穿召稼樓鎮又西徑杜家行鎮達于

浦案自閘港鹽鐵塘塞南匯南境出浦以此為通津舊縣志云其水迂迴曲折同為潮汐往來年久不淤今

嘉慶四年開濬後又復淤淺宜急濬之

沈莊塘 在下沙浦北承北五竈港水西流徑葉家牌樓

陸家廟至連筆華橋西流北折過北莊復繞而西徑天

竺庵邱家廟又西絕鹹塘過永濟橋西流為沈莊塘至

召稼樓南流由甄灘港合王家浜達於浦案沈莊塘舊自召稼樓西

流三四里達浦已淤今由王家浜達浦 十九保沈莊區長三千二百丈斜角倉區三千二百丈二十一保鄒家寺區三千三百丈中心河區二千八百六十丈

周浦塘 宋詩人儲泳兄弟故里元置下沙 在府東八十里

嘉禾志 承八竈港水西流徑啓秀萬年二橋合六七竈港

水又西徑巽龍橋入鹹塘北至李將軍橋而西為周浦

松江府志

卷九

山川志

四十九

水

塘左徑東橫裊 在匯龍橋東南匯納糧輕舟由此 西橫裊 在永定寺西

舟由 右徑夏椒子口西流過漕倉前列船橋蘇家橋裕

伯題橋東韋馱殿又西左徑大踰塘右徑儲童浜大小

雙浜喬家浜百曲港毛家港 俗名茅柴港 又西徑陳家行塘

口鎮達浦 案浦口與車溝對有車溝渡塘為南匯運道屢加開濬通縣均役今復淤淺急宜挑濬

十七保乙王廟區長三百丈周浦鎮區四千八百丈二十一保鄒家寺區二千二百丈中心河區二千一百八

中心河 長四千七百丈 在周浦塘自西三林塘西南流達於浦

三林浦 在周浦承護塘港水西流絕曹家溝又西馬家

浜徑長浜口絕小腰涇 西通長浜北 為三林浦又西為

東三林塘越陳村塘而西爲西三林塘達於浦二十保南區長

二千五百丈沈沙港區二千三百丈二十一保鄒家寺區一千四百丈二十四保南區一千七百三十丈楊賜

橋區一千三百丈中區三千四百丈

小黃浦浦曲而流急故名在三林塘北南自三林塘分

流爲橫塘北通楊溜漚西達於浦

楊溜漚一名楊賜港長一千八百七十丈在小黃浦北自曲鹹塘西流

右徑黃溜漚閔家橋浜左徑小黃浦蔣家橋浜西達於

浦

黃溜漚長二千一百丈在楊溜漚北自小腰涇分流南徑中汾

涇西達於浦

松江府志

卷九

山川志

五十

水

白蓮涇 在黃溜漚北承夷蒲達水西流絕都臺浦至龍

尖觜越馬家浜西北流徑長浜至留良角爲白蓮涇又

西北徑張江柵至牛角尖過北蔡徑小腰涇至徐家橋

西流徑六里橋三里橋至周家壩基達浦浦口與陸家浜對有董家

渡 二十保南區長三千二百四十二丈二十四保中區二千二百六十丈

黃家浜即東新涇長四千二百九十丈在白蓮涇北自洋涇浜北通龍王廟西

北流通新塘東西溝諸水西流達浦

顧家浜在黃家浜北

華漕澹 承北洋涇水西流爲張家浜達浦案浦東繞塘橋鎮諸水皆

堵築土塘惟此港通潮汐分溉支渠二十二保西區長一千五百三十丈二十四保金師娘殿區一千二百

文

俞家浜 即涇瀦上名 在華漕澆北上海浦 東西環上海縣治故

名 在俞家浜北高行浜 俗名扛魚浜 在上海浦北東洋涇在

高行浜北蔣家浜在東洋涇北北洋涇在蔣家浜北西

新塘在北洋涇北通新塘在西新塘北以上八港浦口

皆堵築土塘內水互貫以資灌溉

西溝浦在東新塘北南通新橋東通馬家浜

范家浜即明夏忠靖所開江浦合流處為潮衝沒并入

陸家嘴南大浦中

東車溝在馬家浜北自漩河潭分流入浦

松江府志

卷九

山川志

五十一

水

朱家浜在東車溝東南北分流為新浜為楊家浜盧家

浜新塘浜受沿塘諸田溝水西達浦

東虬江在朱家浜東自界浜轉護塘溝西流 亦名轉河 大小

凡三支小支東南流大支在西南流通朱家浜至竹隱

庵止 浦口今土塘堵塞非復故道矣與西岸虬江相峙

南蹠浦在府東北百里 雲間志至元嘉禾志同 顧或舊志在上海

東北三十六里其支流為東溝浦西溝浦馬家浜今上

海縣東北有水曰蹠港曰大蹠浜其南近都臺浦疑即

南蹠浦之故跡也

椿樹浦在南蹠浦東江苧浦在椿樹浦東橫塘在江苧

浦東以上三港俱土塘堵塞

張家浜

泗家浜竝在南踰浦東皆為護塘港洩瀉入浦之浜界

浜上寶分界處在泗家浜東自護塘港至黃家灣歷高橋鎮

西流徑轉河達東虬江

馬路浦明設千戶於南匯城時有軍馬往來故名在新場鎮北源自南七竈港

來西流徑濬河墩漾至倪家行絕鶴坡塘為洪橋港過

石角倉踰新塢又西絕青村運河出閘港十九保新場區長一千五

百丈撥賜莊區二千三百五十五丈沈莊區二千二百二十丈杜家角區二千二百十丈

水仙塘昔時叢生水因名在南一竈港西自盛家橋西流徑馬

松江府志

卷九

山川志

五十二

水

家橋梧桐橋西北流至林家橋歧為二其西流達新涇

西南流為陳家浜出蒲達涇十九保新場區長一千二百丈杜家角區二千一百

文

橫沔港 在運鹽河西沙塗港自利造橋東北流越七竈港北流徑沙塗廟達北八

北自南場界河西北流徑潢沔鎮東納小五竈港諸

氏盤諸水西洩龍船牌樓諸港北流至龍尖嘴徑四眼

橋為馬家浜東納小四竈港夷蒲達三林浦諸水西洩

呂家涇白蓮海塘浜諸港又北過張江柵鎮西北流至

新橋北流達浦二十保張相公殿區長二千丈

都臺浦明御史河渠志作都堂浦明天順中巡撫都御史崔恭所濬上有行臺故名今廢在鹹塘東

北流爲連家漕北爲水仙塘又北爲郁家港爲官路港

又北爲邵瀝港竝西通鹹塘邵瀝之東爲翁家港北爲

陶河港竝東通運鹽河浦故曹家溝也顧志今都臺浦有

二一自大蒲涇涇盛林灣北折至航頭鎮又北至下沙

東市通鹽鐵塘爲南都臺浦其一自川沙城西濠涇小

四竈港北流有盤旋處爲小灣又曲爲大灣北流涇龔

家路口由曹家溝達浦爲北都臺浦又名曹家溝間有淤塞七保乙

王廟區長三千五百八十五丈周浦鎮區二千九百八

十七丈川沙堡區三千五百八十五丈杜浦亭區三千

五百丈十九保沈莊區四千八百四十七丈斜角倉區

二千九百八十一丈下沙西區二千九百八十七丈杜

家角區二千五百七十七丈二十保南區三千五百八十

五丈張江區二千五百七十七丈沈沙港區二千五百八

松江府志

卷九

山川志

五十二

水

十丈張相公殿區二千三百五十二丈保界浜區

二千八百七十五丈又

頂濟都臺浦碑記南匯縣知縣薛清來曹襲先爲

遵例傍塘自後籲請勒石頂修等事乾隆二十二年

十一月月初八日奉本府張批據紳王煜等呈稱自雍正

劉嗣基朱有善劉嗣向凌學恒王煜等呈稱自雍正

四年分縣建倉浦而開港以南東西三十餘里各

區必從都臺往北到倉實屬往來通津漕要道

從前開濬港必議竝修緣承委之員往往爲帶

修不能盡心督率以致屢無工次漕運維艱文等幾

次呈請將六十八五三十三等塘八畝頂九七

都臺浦惟因未經詳勒石尚無成憲恪遵久失疏

修漸成平陸爲敢具呈環叩俯念漕儲重務輓運要

河恩飭議詳勒石頂濬委開挑以漕運等情奉

批仰南匯縣勘通詳核奪等因奉經前縣薛清來

移委糧衙劉翥文勘集議去後旋准覆勘得該河南

自航頭鎮環橋起北至下沙鎮北朱箍桶港止計長

一千一百四十三丈又自下沙鎮往東至太平橋止  
計長二百丈又自鎮往西至吉利橋止計長四百丈  
通共長一千七百四十三丈并集保正糧戶公議八  
畝稻額共田二萬七千四百餘畝核之河身計田一  
十六畝濬河一丈業食佃力竝無偏枯築壩料工亦  
按額分認事出至公衆情悉協永遠頂濬無煩再派  
等因即經薛前縣繪圖於二十三年九月十八日據  
情通詳去後奉巡道朱布政常巡撫陳總督尹各憲  
批開既據該錄查明出自士民情願竝無抑勒派擾  
應如該府縣所請准具頂濬免派別項差派勒石永  
遠遵守須至碑者乾隆  
二十四年六月日立

鹹塘 自下沙場北流絕沈莊周浦三林諸塘通中新河

橫眠港西入黃淄漚三林之北爲北鹹塘又北爲曲鹹

塘顧志今自下沙中市衆安橋折北迤邐經胡家井亭沈

莊又北徑周浦鎮至遇駕橋俗名逾界爲曲鹹塘又北

松江府志 卷九 山川志 五十四 水

徑芙蓉灘北爲小腰涇至北蔡爲小鹹塘淺狹不通西

北入白蓮涇二十保張相公殿區長一千三百五十五丈

松江府志卷九終

